

秦邊紀略卷五

宵夏衛

雍正初年改衛為府附宵夏宵朔二縣靈州中衛平羅寶豐新渠五州縣屬焉

宵夏古朔方郡洪武二十七年七月置宵夏衛調甘州左護衛

將士守之其北則左控河套右引沙漠其南則左連延慶右

接固靖此三秦之掖兩河之唇也宵夏城東北至河套一百二十里西北至沙漠九十里南至靖虜界四百里西由邊外至莊浪界四百里莊浪涼甘

肅在黃河外者皆曰河西其在河內者皆曰河東此全秦之河西也黃河中流羶惟北列河

西以賀蘭為隘河東以長城為疆其東北之河套則周秦之

河南地漢之定襄郡唐之六郡張仁願且踰河築三受降城

減內地戍兵數萬歷代疆域固如彼而今縮地千里者河套

屬之旃蒙而長城所以北築也黃河繞蘭固順流而下貫穿

曰中流所以宵夏一郡有河東西也河套在北之東西夷在北之西東西以河為界皆在宵夏北故曰北列河西東者宵

秦邊紀略卷五

半畝園藏書

夏之河西東也河西賀蘭環之山外即夷河東築長城牆外

阻黃河河南面切近內地秦塞因河為河南地唐有六州在今套

內武后之時築三受降城於河套之北史謂歲省億萬計滅

城之屯四萬人足矣烽堠之卒每所二三人而止合而計之

不必萬人此即四萬中之數受降城守則河套以及沿邊數

千里可以減戍內地可以不防何啻數萬耶史所云者計供

屯輓輸總言之耳明失東勝而七先毛里孩吉囊漸據之築

室樹藝遂為固長城楊一清更修余宵夏有豐年而無旱

潦所以有塞北江南之號洩故恒言黃河為害於汴梁獨利

於宵夏遷五方之人而江左尤多故衣冠言語類於三吳自

蕭關來者始見林木茂美風景頓殊有土達乃元之部落謂

之降夷散處靈州五渠金靈武之興肅宗以復兩京而有餘

積四里強壯者藉之為兵靈武之興肅宗以復兩京而有餘

元昊割據以韓范經營之而不足其為重地概可知矣故中

國有之足以禦外夷外夷有之可以擾中國至父偃所策特

其小小焉耳唐名夏為靈武郡肅宗即位於此元昊累世為

宵夏節度僭號不臣韓琦范仲淹為經畧不能

平之主父偃言於漢武帝曰朔方地肥阻黃河蒙恬乘之以通轉運廣中國也曰然則如之何曰有

郭子儀而後軍始振有張仁願而後築三城非然者甯夏之

門安能禁夷騎之不入乎若措克隱占酷虐聚斂者則外侵

內叛禍尤烈焉明巡撫黨馨以減芻價裁花布飛語為悍卒劉東陽所殺與呼拜誘夷助逆參將許汝繼

以用法嚴為土達楊文遇所殺靈州大亂况今日賀蘭之夷已滿數千有虎噬之

心有方張之勢而且發縱有人彼雖戀棧山後未敢憑陵過

計者咸謂發速禍小發遲禍大天祚甯夏幸而斯言之不中

乎賀蘭之夷祝囊勞藏巴綽氣克等部落三千餘發縱者

嘎爾旦部落三十餘萬自稱博顧克圖汗犄角之夷綽力

不設賀蘭天險既與夷共之矣自中衛以至平虜阨塞之地

五十有奇奈何塹壘猶為烏有耶賀蘭山後自中衛起直接

於外今墻廢不修聽其上下平虜今改平羅賀蘭自固人盡知之河套當守人每

秦邊紀略卷五

二

半畝園藏書

忽焉夫河套昔與我為讐今與我為臣所謂輔車相依者也

西夷侵之求援得援是矣然乞之以師孰若賢之以力是宜

於履冰道路築城障移彼之半居於沿河足以遊牧自守誠

善後之計一勞而永逸者也明時插漢吉囊等任河套時為

王吉公貝子等部落數萬今之調遣征發皆此輩也西夷即

祝囊凡西夷自漢人外皆蔑視之故祝囊特附嘎爾旦亦以

奴隸待河套欲併山旦古祿之眾河套沿河三千里全築良

難但於堅冰可通行者築之則成功甚易况命河套之夷為

自守之計宜其聽從惟命惟雖然河套渝盟不幾藉之兵而

賚之糧乎曰城以禦外非以捍內也明欲城之而不能豈能

之以不城乎設河東之重險復漢唐之舊疆在此舉矣河套

言者充積公車李賢王越楊一清曾銑王瓊雖然熙河可下

周尙文等尤切實用所不欲復者嚴嵩等耳興州豈甯夏不可復河套乎曰黃河之水浮於積石至於龍

門唐治舟師溯流上下明之臨鞏巨礮遠至朔方甯夏雄師

直抵河套皆已事也攻守機宜固在於茲然守之於先為其所易爭之於後為其所難設使河套不能守之於創鑿之餘既為併吞豈能攻之於孔熾之際若果如是是猶厚積薪於曲突而割肉養虎以俟其猛張空拳以搏之也熙河即今之州即今之甯夏元昊祖居河套屬興州地積石河州之積石關也龍門在韓城縣東北六十里唐高祖時將作大臣於筠請於五原靈武置舟師於河溫彥博曰魏為長塹過夷人今可用帝乃使桑熯和塹邊大道石江而紹工大發卒治戰艦明臨鞏監司劉光裕以船筏載滅虜湧珠砲位藥線之類至靈州以資攻叛逆此上流而至於李汝發甲士三十六人由夏乘船直出河套斬馘凱旋又隊長往勇自夏鼓棹直抵偏關此自朔方順流而下者商市莊浪山木順流而下日行二百里許夏之官室解署皆資之又自上流而至可謂通行河道但自蘭會北流兩岸多崇崖峭壁河狹而水急耳宋邢恕奏乞下熙河路船五百艘於黃河順流直取興州李復謂黃河過會州入韋精山石硤隘狹自上垂流直下高數十丈船豈能過西安州之東分為六七道水淺灘積不勝載舟此聲若出必為夏所侮笑云故邢恕之謀遂寢

甯夏邊堡 靖遠大澇壩 **常家寨** 東南五十里 **古水井堡** 常家寨東六十里 **中衛**

秦邊紀略卷五

三

半畝園藏書

古水井堡 **鎮虜堡** 中衛東四十里 **石空寺堡** 鎮虜堡東三十里 **棗園堡** 石空寺堡北三十里

北四十里 **渠口堡** 棗園堡東四十里 **廣武營** 渠口堡東三十里 **大壩堡** 廣武營北三十里

玉泉營 北四十里 **平羗堡** 玉泉營北六十里 **鎮北堡** 平羗堡北五十里 **甯夏**

鎮北堡 鎮北堡東四十里 **洪廣營** 鎮北堡西五十里 **鎮朔堡** 洪廣營北三十里 **威**

鎮堡 鎮朔堡北四十里 **平虜城** 威鎮堡東三十里 **橫城堡** 平虜城東六十里 **紅山堡**

橫城堡南二十里 **清水堡** 紅山堡東五十里 **興武營** 清水堡東六十里 **安定堡** 興武營東六十里 **花馬池** 安定堡東六十里

甯夏近疆 **長流水** 甯夏西南中衛之西 **賀蘭山後** 甯夏之西 **河套** 賀蘭之東

宵夏邊堡

常家寨宵夏之交衢也邊城內衛黃河外環北雖鄰夷恃此不
恐寨固內地而近長邊山環四面寨築其中永康宣和之間
米粟轉餉居然樂郊矣然寨為民堡而駐防不立東向孔道
則有常樂堡若夫沿邊東北則有古水井矣自靖虜之大勝
城者中衛邊城西至蘆溝壩三百一十餘里也永康宣和二
堡皆在邊之東南其地饒產稻麥寨屬民堡本無汛兵東至
常樂堡四
十餘里

古水井堡曠遠邊衝之地也南有常樂北有長城東則黃河西
則曠野邊堵年久化為女墻黃河冬寒不成衣帶山後之夷
已難於防乃所守之北二百里而遙雖中衛近在河西而河
津在於常樂道阻且長呼吸莫應則常樂常家寨之間宜設
為犄角焉南至常樂渡河而北三十里則中衛矣長城起於
堡之山外

秦邊紀略卷五

四

半畝園藏書

黃河墮西循牆直至蘆溝界更無邊堡今之取道常家寨大
勞藏克氣三臺吉古分水守之邊二百一十九里甯夏西路
之河東至古水有兵防守中衛與堡相距一河然必由黃沙
古渡而渡是折而南至於常樂復折而北至於中衛相距且
三十里矣南至常樂堡十五里由常樂至黃沙古渡又十里
堡有
守備

中衛元之應理州明宵夏之中衛也衛在河西故九曲南繞邊
從河起故百堵西環連宵夏而通莊固交衢要地莫重於茲
其民勇幹其資耕獵渠通美利土盡膏腴兵食足矣北之夷
厥猶在乎山後長蛇封豕雖相互市薦食之心且數馬齒之
加長也衛之境外北有黑山嘴觀音山夷所遊牧西南有黃
沙坡長流也夷之水頭扒里扒沙夷之捷徑今之中衛苟能
自守足矣何暇及分疆之外哉其近若蒲湖水塘溝五眼井
防之不可已者循牆而北則空夷柔遠迤而東四十里則鎮

虜堡焉

有明各衛皆設左右前後中等衛沿革紛紜獨甯夏

邊起河口迤西而北直至大山根而止長三百一十里環山於內險為我據也今邊牆不修墩臺不守夷騎出入賀蘭之險與夷共之沿山皆然矣甯夏在東北三百六十里固原在西南莊浪界由邊至銀盤水纔三百二十里美利渠名引黃河以溉田也夷厥在控夷堡之北明所制也賀蘭山後夷人祝囊等住牧其部落甚多散處銀盤水長流水一帶觀音山在北五十里黃沙坡在邊外西南十里長流水在黃沙坡西九十里為靖甯境外之接界也扒里扒沙即大沙山其山在涼莊靖甯之交非今之大靖大靖但有明時夷山此出賀蘭山後有明王越於此大勝水塘溝有明時夷山此出賀破之五眼井明將馬鑑於此敗夷人論上等衛有副戎北至控夷堡六十里東北至柔遠堡七十里

鎮虜堡今別為鎮羅矣平衍臨河耕稼之沃野然米粟之多尙

遜河東也迤東二十里則為勝金關

堡今作鎮羅而民間相傳但知為鎮虜也北通

柔遠南臨黃河黃河渠水澆田故為沃野河東有古水常樂永康宣和甯安威武張恩紅寺鳴沙州等堡俱係饒野產稻最佳堡有干總

勝金關山河之逼一線之通蓋中衛甯夏之鎖鑰也迤而東北

秦邊紀略卷五

五

半畝園藏書

三十里則石空寺堡

關築於宏治六年人謂其勝於金城故名南臨黃河北倚高山中衛甯夏往來

大路也迤東為張義堡東北則石空寺矣

石空寺堡其北則石空山南近黃河堡小而兵多者一以為山

後之防一以為勝金之守也其缸子渠適資灌注耳謂能限

夷馬不敢謂然矣更東北四十里為棗園堡

山後昔祝囊等任牧距勝金關

雖遠亦足為守望之聲援缸子口即石空渠口狹而腹寬灌田畝甚廣堡有守備

棗園堡其渠源遠而流長其灘地平而草茂其隘則觀音口為

堡分地東四十里為渠口堡

渠即棗園渠灘即廣武草灘觀音口在西北乃棗園分守之地

堡有把總

渠口古墩名也堡築於明中為唐來諸渠而其南有青銅硤兩

山相夾黃河經其中昔於硤築唐來漢延渠引水灌田故朔

方之地媲美江南渠之力也東北三十里則廣武營

萬曆四十年始

築堡唐來渠在漢延上流數里魏刁雍所築者青銅碛在渠口南碛東北至甯夏一百四十里山名金積山上有牛首寺下有深林茂木漢延渠在唐來渠下流數里虞詡所築者甯夏之稻麥豐登無亢陽之患皆漢延唐來二渠之利世所謂黃河爲害於汴梁獨利於甯夏者此也黃河自中衛至黃沙古渡而下狂瀾安流環府帶郭隨地決注以溉田畝亦異矣渠口無防汎蓋內地也

廣武營甯夏之西路營也黃河流於東南賀蘭峙於西北分地既廣山口良多河西之衝要從來夷患每在於茲若今山後之夷尤爲包藏禍心云內則渠口棗園諸堡之衛外則井溝

大佛寺之防又北三十里則大壩堡矣黃河在東南踰河五里卽靈州也賀蘭在

西北三十里山口多者營之分守西至中衛界山後起北至玉泉營界山後止總一百三十里山後之夷卽祝囊等渠口棗園皆營之屬堡有明時夷犯廣武總兵蕭汝薰敗之於井溝大佛寺口營之衝要出入賀蘭之夷所必由也營爲甯夏西路有遊戎

大壩堡吞唐來水也其勢奔下俯臨城邑若毀壩則甯夏成澤

秦邊紀略卷五

六

半畝園藏書

國此內患之當愆者也今防之口有五最要莫如靈武此外侮之宜防者也况從此而至鎮朔有山陰而無亭障則隘口

宜何如慎重耶大道在北有小壩直通甯夏沿邊四十里則

西北至玉泉營焉唐來渠黃河之水也流至大壩淺者及腰深者不可測若毀壩縱水隨所欲灌築堤

向之無不湮沒蓋甯夏皆在下流也分防五口曰雙山北曰雙山南曰靈武口曰林泉口曰哈刺水皆大山口小者不與焉靈武山名非肅宗卽位之靈武肅宗卽位之靈武在今慶陽府環縣亦非甯夏之靈州也靈武山口有娑羅模山多水可屯兵有明沐英於此擒夷八纛阻脫火赤處也大路北二十里至小壩又二十里至葉昇堡又三十里至王洪堡又六十里至甯夏焉堡有守備

玉泉營甯夏之南路營也黃河東流賀蘭西峙多汎地而無邊

城營之分守有赤水關百馬並驅莫之或阻蓋賀蘭山勢至此散漫而泉少礫多難於版築且低峯仄徑可通行者不勝築焉有明石砌關牆斬斷崖谷其跡徒存耳他若金塔磨石

雖大異於赤水然不可以其隘也而忽之况金塔今之通衢

乎又北六十里則平羗堡矣黃河在東三十里賀蘭山在西

廣武界起北至打磴口止共二百一十里赤水關明巡撫楊

守禮修築得土壤故處因山有團石可以作砌省斧鑿工經

營成之金塔口在西五十里磨石亦山口名金塔出口通銀

盤水抵莊浪之下紅水所謂通衢蓋塞外之路也營為甯夏

之南路營設

遊戎一員焉

平羗堡山城土屋切近賀蘭而獨樹乾溝為堡分地非玉泉策

應何以堪之然守險非難兵寡為難也東北則甯夏沿邊五

十里而北則鎮北堡矣獨樹口乾溝口俱在堡西堡所分防

把總東北至甯夏四十里甯夏鎮非邊堡也而與平羗為近

以其為鎮不可不載之故次之於平羗其實平羗直接鎮之

也北

甯夏鎮東繞黃河西聳賀蘭金城天府西塞雄疆也城堅不可

攻民強可以戰徵之往事皆然矣然賀蘭之口約四十處夷

不可源源而來乎灌城之攻已至於再水不可以亡人國乎

冬寒冰結則濁水洪濤化為平壤矣明李賊據秦中破榆林

遂趨甯夏不聞有一人援桴鼓而前為國立功豈不貽羞於

榆林哉今城郭之中葉夷雜踏走險偵謀庸或有之則防之

宜何如豫也渡河而東則臨河堡為甯夏官津即史鏞奪舟

處也沿河北下三里是為橫城乃河套之咽喉由橫城假道

馬鞍山直達紅山堡榆林之康衢曠如也甯夏在腹裏若邊

堡連屬則甯夏不與焉鎮漢為朔方郡唐為夏州朔方郡又

及宋代元吳帝制自為國號夏與宋相終始明初為甯夏府

後改為衛落封慶府存焉黃河在東三十里賀蘭山在西六

十里城三丈六尺厚二丈明初遷衛民於長安而徙五方之

民以實之江南之民尤多萬厯間哮拜之子據以叛官民攻

之七閱月內應獻城始平賀蘭難倚為固其山口大者三十

有七小者十許處灌城一見於魏之攻曹泥城不侵者四尺

再見於明之攻哮承恩水之浸者八尺冬寒冰結者黃河上

流之口在中衛下流之口在橫城河東皆如平地也明季李

闖既陷榆林衛而甯夏遂降榆林李闖桑梓攻圍猶血戰數日城陷巷戰而死者七十餘人衛文有監司經歷武有城守都司又有總戎五營全設衛東三十里渡黃河有臨河堡又三十里卽紅山堡有明時寘鑄之變靈州參將史鏞奪渡黃河船賊乃不得渡河寘鑄本慶藩宗人窺伺神器也衛西北至紅廣營六十里衛至鎮北堡四十里

鎮北堡東抵甯夏北連洪廣堡小而近山地闊而兵少滾鍾山口宿崑山口大有可虞今之兵制大非明比山後之出入誰

與守哉北五十里則洪廣營焉甯夏在東四十里賀蘭山在西十五里平羌堡在南五十里堡隸於洪廣營滾鍾口宿崑口在西五里堡所分防者也

有明制兵堡軍一百六十名馬七十九匹今僅設把總而已

堡之墩口曰黃硤外口曰宿崑山曰石關曰高渠曰宿墩曰黃硤曰敵臺曰乾渠曰鎮靖曰下古曰馬房統十有一墩也

洪廣營甯夏之北路營也賀蘭在其西平廣當其北屬堡環於

邊五路山口之多無踰北路夷之近亦無踰北路堅壁於中

遊防於外可一日忘耶近北三十里有鎮朔堡焉賀蘭在西

虜城在北六十里屬堡有九曰鎮北曰楊信曰豐登曰徐鶴曰虞祥曰桂文曰常信曰高榮曰鎮朔也汎地南接玉泉營

起界北至平虜西閘門止邊城南自滾鍾口起沿山北至紅兒口止統二百一十里山口有七十里滾鍾黃硤水吉鎮北

宿崑拜寺賀蘭新開塔硤西番大水小水汝箕大風小風歸德桃柴也祝囊等三大部落皆在山後故曰近營爲甯夏北路管設遊

戎一員

鎮朔堡賀蘭之麓所環抱也山口旣多士馬甚少恃洪廣爲援

耳稽之明制倍徙其防蓋賀蘭口外或出以訶夷情六盤山

前或登以偵動靜今鹽池菹醢陳迹荒涼避暑遺宮登臨如

昔西北有賀蘭口沙漠河套無不可通北四十里爲威鎮堡

山口有黃硤水吉宿崑拜寺賀蘭新開塔硤西番大水小水汝箕大風小風歸德桃柴十有五隘口雖屬洪廣統防實爲

本堡汎地明制兵二百名馬一百匹賀蘭口在西二十里自

賀蘭口出往五岔河探松山海夷動靜其時莊浪未築新邊

此明制也六盤頂有元昊避暑宮遺址尚存黑鹽池在黃硤

口外有明時於此斬殺夷人無算拜寺口去黃硤口五十里

黃硤口去賀蘭口五十里賀蘭口今設把總口外東

七十里爲麥朶山又東五十里卽河套界堡有把總

威鎮堡逼近長城夏人謂之北長城也北長城西起賀蘭東趨

河塹北面套衝南盡河涘明有套患夏秋則浮渡偵謀冰合則距河防邊今之患不在河套而在賀蘭打磴諸口堡於鎮朔平虜共之山城非險捍禦為險况長城廢而不修者乎折而東三十里則平虜矣長城西南自紅口兒起沿山而東歷夏朔墩又自北山接黃河堰循河而南至鎮河堡止山北長城之大槩非堡之所專防也河套地西近甯夏東至山西偏頭關北界受降城此三面皆阻黃河也自明正德間為夷所據乃於南面隔以邊牆甯夏河東榆林北面皆守邊牆者也堡之邊牆皆防賀蘭山後之夷亦防河套之夷渡水而至今惟嚴祝囊等耳堡有把總

平虜城今作平羅城或作營夏之北門鎖鑰也東連河套西距賀蘭北禦沙漠三面濱險長城塞河山之缺夷廠當閭門之間隘口值土城之斷陸路之界宜嚴也黃河北流夷能溯水戰艦之兵必設也朔方之堡當夷鋒者平虜獨甚昔倅承恩之叛河西皆陷獨平虜嬰城固守賊乃南不敢渡河北不得走

秦邊紀略卷五

九

半畝園藏書

夷皆平虜之阨其前而議其後也城西北之將臺地勢平曠可為戰場可以練兵雖非險要不可棄也城北之鎮遠關山河之交天設之險平虜之局鍵也打磴水患乃棄而不修故乾關棗兒溝桃坂夷騎颺至莫之禦焉關南之黑山賀蘭之尾形如虎踞扼隘飲河舊制黑山營倉儲皆備鎮遠之兵所屯也餉缺卒逃廢而不復故沿河沿山訂乎內地及議築北門三年不成臨山設堡未幾而廢故平虜墻垣至今單薄也王瓊亦城平虜而棄鎮遠黑水不幾失乎天險耶自城截河而南東至甯河臺六十里是為橫城也甯夏五路獨北路兵多有平虜寨將又有洪廣遊擊城東十五里渡河又五里即河套西六十里即賀蘭山北九十里即鎮遠關今為沙漠地夷廠在東南二關門外明撫夷人丑氣把都兒今廢隘口即打磴三關口夷常據以為巢數犯平虜有明時套夷常渡河為患巡撫張文魁於平虜以北多設戰艦夷始侵謀平虜當明時最多夷患一勝於平孤墩一勝於架砲梁一勝於水塘墩一勝於沙竹梁一

勝於沙山老灣一勝於蜂窩山其不可考者尚多呼承恩三
攻平虜將蕭汝薰三却之宵夏之復汝薰之功也古將臺
俗傳狄青練兵處不知宋時宵夏為夏所都狄青安得至此
鎮遠關在北九十里打磴口在西北四十里宏治間不守鎮
遠關水遂冲塌黑山在北八十五里其兵西守打磴東守鎮
遠者也嘉靖十年總制王瓊廢鎮遠關而城平虜己棄地百
餘里矣北門關在北四十里正德間有議於王玘口起曰沙
河西抵棗兒溝設險內牆外塹納三十五里或以其西斥鹵
難築不足為有無云有明於平虜北十里展築邊牆之盡
處設臨水堡而臨山極北不毛若難防守等廢為墩臺今則
墩臺且無守者甯河臺在黃河之東津吏
戛卒皆在焉城為甯夏北路城有黎將焉

橫城堡河東所自始長城之馬頭河套之津口也自堡而東統
九城亘四百里直接於此徐延璋王瓊所設施者堡之以北
長城西盡河漚水漲則土墻皆傾水落則平地盡出非驅石
築城猶無邊圉也邊圉初築起於黃河嘴草茂之地悉築於
中王瓊縮邊橫城美地棄之於外瓊能議余子俊之非而目
乃不自見其睫哉今之河套可謂積弱然西夷為鄰常懷吞

秦邊紀略卷五

十

半畝園藏書

併故橫城之北戍甫戍申非守河套為河套守蓋亦勞矣若
長城風沙易於壅塞北邊皆然也迤東南二十里踰馬鞍山
為紅山堡明成化間巡撫徐廷璋築長城起黃河嘴至花馬
池止長三百九十里凡水草便利處皆築之於內
使夷絕牧沙磧之地築之於外使夷不廬及瓊改策新邊起
於紅城又失築邊初意矣瓊議余子俊城榆林曰失策正在
於此是明於議人暗於議己也今河套之夷近宵夏者曰山
旦王曰阿爾敦素近榆林者曰古祿王俱奉調遣亦歲賜之
廩祿所謂蒙古是也西夷即祝囊等任牧賀蘭山後與套隔
河纔二百餘里常欲併山旦等部落故河套畏之如虎今套
中當冰凍時恐力不足乞甯夏官兵助守其積
弱如此橫城在官津下流三里許堡有守備

紅山堡極衝要害之地也城若彈丸兵尤寡弱又南五十里至
清水堡堡城周一里有把總南至臨河
堡三十里則甯夏之大道也

清水堡城不寬而夷廠在其北明於此撫套夷令互市之地設
官分職以蒞其間套馬驚疲惡用是蹇劣為哉或以互市宜
置橫城尤為非策蓋橫城為甯夏轉輓之咽喉不可信夷之

果革心也

明制營屬右司設守備兵六百馬一百六十今套中之互市不及西甯之多巴榆林之紅山蓋鹽鐵皆套中所有鹽池在套內產鐵在麥朶也米麥雖禁民皆以此交易夷無他物止有馬耳其馬非老即疲常以驢易猶不屑焉其鴛可知甯夏靈州之輓粟切近橫城橫城置市脫有意外恐其中梗矣營有把總東南至毛卜喇堡四十里又有興武營共七十里

興武營甯夏之中路營也甯靈重地平慶要藩北列長城南連

山麓野無青草田不蓄畚元昊離宮於此是遵何說與其地

沙土相半剝落邊墻不堪保障所恃濬濠以為重險耳闔門

啟閉藺石渠答殆不可無雖河套帖服不可不防他盜明之

插漢可鑿已讎灘詹家灘昔皆有備無患可不務乎迺東南

永清堡六十里則至安定堡甯夏在西北靈州在西南平涼在西慶陽在南河套當明時常

防瓦刺侵之及明季插漢入套套夷大受其患多內附以求援既而插漢數侵內地邊兵莫當其鋒此昔之他盜也今西夷祝囊等虎噬河套欲肆東封於奏請此今之他盜也有明時夷寇興武遊擊談世德敗之於詹家灘又聚眾入寇總

秦邊紀略卷五

十一

半畝園藏書

兵吳昇敗之於讎灘營為甯夏中路有遊戎東至永清堡三十里又東南三十里至安定堡

安定堡地勢同於興武而城外之飛沙特多及效雲中築臺兵

不勞而守自固北面長城安得參錯如若人哉城同黑子而

闔門出入可不防耶東南至高平三十里至花馬池明巡撫黃家善

見堡多沙乃效雲中臺式於沙湃跨墻以磚石卷甃臺敵臺者四臺上有亭可遠望可以禦敵名曰敵臺堡城周二里故曰黑子闔門在北外即河套堡有守備

花馬池城古鹽州甯夏之東路營也平固門戶環慶襟喉定邊

羽翼不但榆林之接壤甯夏之邊衝而已其地勢之漫衍彌

望平川而四通八達有明之總制常駐於此其為重地與他

營千萬焉舊花馬池在塞外故邊所環甚寬自王瓊改築今

城而邊城亦縮城外楊柳廢堡為花馬池之患瓊實貽之北

有長城關闔門外通接樓遠眺可謂重險關外遠探延綏近

防邊患可謂索情南有鐵柱泉自邊外入獨此有水往者夷
患犯此最多自築城環水其中又築梁家泉等堡重關叠險
而鄰境皆安仁人之利不亦溥哉自城而東南三十里則榆
林之鹽場堡矣平涼固原皆在西平固以其城為大門慶陽
南七十里舊花馬池今在套中故邊成化間余子俊所築今
城新邊皆嘉靖間王瓊所築新故二城皆守則如雲中大邊
小邊之設藩籬益厚矣乃撤舊邊而專守新邊已為失策而
邊外楊柳堡遂廢夷乃潛伏其中為城之患長城關在城北
六十步關外有那吝井可腦兒明制更番夜役探聽延綏
河套內邊警鐵柱泉在城西南九十里泉廣數百步可飲萬
馬或由定邊之乾溝剄崖而入數百里地止有此泉從此飲
馬或有青沙峴犯安定會甯金縣或散掠甯夏或長驅平涼
鞏昌間正德中總制劉天和築城周四百環泉於中使夷絕
飲因名鐵柱泉又於鐵柱泉之南百里巨東西為墻塹於梁
家泉築堡於甜水紅柳榆樹等泉築墻於史把都韓家長流
等水泉俱據守之於是夷進為新邊所扼退為大邊所邀每
失利嗣是近甯夏地皆無夷患
矣城為甯夏之東路城有副戎

甯夏邊堡自常家寨而東至於花馬池長城之缺則山險焉凡

秦邊紀略卷五

三

半畝園藏書

二十有三堡九百一十里其甯夏衛為內地不與焉

甯夏近疆

甯夏之西直接涼州界起以至於東直接河套界止

銀盤水在靖虜衛北甯夏西南塞北百里間有杯杓之水必爭就之况營盤水之掘地及泉者乎且其地有高山遠望則百里在目中山陰有長林豐草於茲牧馬不數夕而肥宜乎夷之住牧矣

營盤水在莊浪之下紅水東北一百六十里靖虜衛蘆塘營北七十里甯夏之小風口西二百二十

里今夷人祝囊勞藏克氣三部落住牧

長流水在甯夏西南中衛之西水源發於賀蘭之支山南流入黃河水源遠故透運曲折或合或分至此歸一道焉且可蹇裳而涉惟盛夏則深蓋賀蘭之雪渙也兩岸漫延可望見數十里焉夷不就牧烏乎牧哉

長流水在中衛西一百七十里一說在鎮夷關北未知孰是今

夷人祝囊勞藏克氣三部落住牧

賀蘭山後在甯夏之西漢為保靖縣地東連河套西通西域南

秦邊紀略卷五

七

牛畝園藏書

障朔方北引沙漠延亘五百里高出雲表雪霜凝積盛夏而後融其林木青白望之如駿馬夷呼馬為賀蘭因以名山山巔梵刹百許元昊有避暑宮化為頽墻墮墉久矣明西平侯沐英討和林歷此山其後朔方樵牧於其上及其中葉無復登者西北之麓有穹廬也今築穴於茲者隨處而有不獨山後已焉山後則為王庭耳

山在甯夏域西六十里河套西二百里山後者賀蘭山麓之西北其地甚寬不可一處名按舊史稱山如駿馬北人謂馬為賀蘭今改夷呼馬為摩林與賀蘭之音不類則賀蘭之名山當別有在但統言山後不一處也大約距中衛纔二百里距甯夏可百餘里為甯夏北屏自古為中國地明初元國公火脫赤屯和林屢為邊患命西平侯沐英總陝西兵討之由亦集乃路渡黃河歷賀蘭山宏治八年夷人倚山為巢穴乃奏內地之人不得往山收牧至今朔方之人莫敢登賀蘭山者山後今夷祝囊勞藏克氣三臺吉住牧

河套在賀蘭山之東今別為一篇附於後者以河套之地甚廣東南跨榆林西南跨甯夏也

右甯夏西北境外夷人壤地附諸隘口合四十有一焉

黑山嘴

中衛

黃沙漩

中衛

觀音口

秦園堡

大佛寺裏口

武廣

大

佛寺小口

武廣

哈喇木口

大壩

林泉口

大壩

靈武口

大壩

雙

山南

玉泉

雙山北岔

雙山北舊

磨口裏口

磨

石中

赤木裏口

甯化

赤木新口

金塔中口

平羌

獨

樹兒口

楊顯堡

威鎮堡

滾鍾裏口

鎮朔

黃磧

裏口

水吉口

鎮北堡

白寺口

宿窳裏口

賀蘭口

新關口

小塔硤口

大塔硤口

西番口

小水口

大水口

汝箕口

桃柴

口

小風口

大風口

歸德口

歸德外口

大風外口

打磴裏

此甯夏西北之隘口也東北則河套以長城為界半堵之外皆

秦邊紀略卷五

古

牛畝園藏書

漫延平沙並無所謂隘口也即有墩臺扼要之地姑置不論河套之歸命也久矣甯夏之西則中衛有邊垣以為疆庶幾可無患惟北面則賀蘭山向所恃以為固者山為我有今則可危者山為夷有也山為夷有何地不可侵何隘不可入豈獨區區方策之山口為然哉

延綏衛 乾隆初年改衛為榆林府附榆林一縣

延綏鎮今在延綏衛榆林古無鎮有之自明始明初亦無鎮有之自王禎余子俊始延綏之間安內攘外者莫善於唐其次

則宋莫不善於明鎮名延綏者合綏安綏德而名之也明正統間東勝州失守移置綏德謂之延綏鎮

正統中都督王禎始於出哨之水頭曰榆林莊築榆林堡成化中始置衛故曰明初無鎮也余子俊為巡撫成化八年乃

移鎮東起清水堡之紫城西至定邊之鹽場一千二百里粟河套於北而內增三十六城堡分為東西中三路築邊城連

墩包堡其高山深崖因其形勢下厚者斷削稍衍者壘築每

三里起對角敵樓連比不斷空處築牆如新月狀以偵敵避

射至今仍之然而邊牆夫榆林西連宵夏東通三晉南引慶

延北跨河套東西一千二百里而遙乃畫壤守沙磧不毛之

地示夷以割河套及今二百年而莫之改惜哉榆林西至宵

六百三十里東至山西之岢嵐州樓子營五百四十里慶陽府界在西南四百八十里延安府在西南四百五十里河套

在城北十里榆林西南二路多黃沙環壅中路多山而多瘠薄不毛

何善乎唐也延綏之邊惟

北面唐初因河為守仍秦漢也既而踰河築三城越出榆林

北七百里且未聞轉餉於內地何善之善乎及舉軍復兩京

兵雖單弱依然金湯雖有土番論恐熱之變不旋踵而敗之

矣唐宣宗大中元年河東節度使王何併善乎宋也銀夏綏

宥靜雖委於夏而麟州以及延鄜皆為版圖及囊霄跋扈日

尋干戈然境內不聞飢且叛者據可守之地得轉餉之方也

銀夏綏宥靜五州按銀州即今之銀州關也夏州即赫連氏

之統萬城在西套中宥州亦在河套漢之三套縣唐之長澤

縣天寶中始名宥州惟綏靜二州今無可攷麟州今永興堡

延今延安府鄜今鄜州囊霄即元昊小字自麟州斜而西南

鄜州用糧七萬餘石草二千一萬束又云運輸過河供餽即

此可見轉力有餘者當法唐力不足者當法宋不再計而決

焉明初時以大將駐延安以其為西北要地及城東勝則東

受降之故壤也雖未盡唐制而黃河之內莫非王土綏德猶

且無鎮而况榆林乎使祖制不湮則卜世卜年豈易量哉

二十七年築東勝在黃河外即唐之東受降城俗所謂白城子黑城子是也守東勝則東南與山西之偏頭關甯武雁門相為唇齒而西南可以屏蔽河套一面矣惟東勝西四百里為中受降城更西四百里為西受降城未復唐制耳其時套內延綏甯夏之人耕牧其中樵採圍獵無不往焉且亦修城設守防其踐冰故延慶之間不知夷患則河套蔽之也其時屯兵東勝故不但榆林東勝不復則河套空虛之地宜其或無遺即延綏亦無兵焉

往或來然未嘗為王庭也當余子俊之時即不能踰河復三

城但因秦漢故疆以河為界而復之其費與城榆林等兵不

加多而足守饒野之地可以耕水次之舟可以挽三邊皆安

萬世之利也

東勝不復天順六年毛里孩阿羅出孛羅忽始初又同亂的思蘭入始抄掠即追逐之北渡嗣後或一歲一入或間歲一入出套則犯大同宣府朱永等討之皆無功亦未嘗以河套為巢穴也今河套乃秦之新秦河南上郡漢之定襄郡唐之六州城郭特多蓋因河為塞也套地長一千餘里余子俊築邊東起榆林之清水西止甯夏之橫城亦一千六百餘里故曰與河套守甯夏城堡東中二路兵八千二百

秦邊紀略卷五

去

半畝園藏書

七十名榆林三路三萬八千二百名合六萬三千六百有奇世言套地沙深土淺不宜耕稼不知秦漢唐兵民所食何物且今套內眾近十萬麥豆青稞無所不有從何得耶况上流即有河南固原甯夏下流即有山西萬一水旱皆可鼓棹浮舟也守河套則偏頭延綏甯夏皆無夷患矣苟夷已據才力不勝以俟後之人可耳乃敵有所不爭力有所能為地有所可守顧苟焉而內縮地數百里於黃河四塞嶽崎磽磽間累築綿引相接為長城延長二千里外不足為藩屏之功內不足有地利之益此何為者哉徐亨論王禎之失而余子俊固陷之矣雖文貴更增大邊以護屯田因仍補救亦何益耶

河受降城夷不及爭况城河南乎河南以河為險有地可耕誠可守之地延長二千里合榆林甯夏言之皆為防河套也自甯夏之橫城至榆林而南則多山雖有王越曾銑之才能

不以為邀功則以為起釁蓋以榆林自邊故也夷因築邊知

套內乃中國棄地不事兵革公然而為巢穴居比鄰之地排

數尺之墻小寇大舉無日無之故進不能如唐退不能如宋
惟有就沙磧間據垣株守而已且榆林之兵多至五萬五千
三百八十八人坐食窮邊陰耗物力奈之何其不飢且盜也

九年總督王越因滿都魯字羅忽等自套入寇韋州越知其
輜重子女在套之紅鹽乃率兵襲殺焚燒之夷被大創號哭
渡河北去不復敢犯者二十餘年嘉靖間夷人大猖獗總督
曾銑於二十六年大舉搜套殺獲甚多夷皆踉蹌北徙而嚴
高指為開釁銑斬東市嗣是言搜套復東勝者紛紛入套其後
小王子火篩俺答吉囊火落赤告能銀定等紛紛入套其後
為患於榆林于秦于晉殺戮動以萬計邊吏止以邊墻為界
不敢踰越尺寸或嬰城自守或擁兵自衛夷益驕恣攻城戰
野邊將邊兵死者不可勝計天啟元年插漢入套中舊部
懼其吞併多降中國今之套虜昔之降夷也崇禎間李自成
等多榆有明之事往已今欲為榆林善後計奈何曰惟有因
有明以變通之耳一日修邊堵昔夏初與金和好故金得專
載及兵連不解一勝一負兩敗俱傷夏至遵項議與金和詞
者以報金宰臣曰就令如此備邊必不宜弛金王於東封山且
血未乾而兵已犯境矣今河套封古祿為晉王於東封山且
王於西有公貝子四方征戰每調其人其公王貝子月有

秦邊紀略卷五

七

半畝園藏書

俸即今所謂蒙古是也乃邊城靡有及肩墩臺高不益尺若
如金宰臣之言將若之何况套夷豈能如遵項哉榆林開紅
山神木黃甫川三市甯夏於橫城開一曰增屯兵及諸屯堡
市明隆慶六年亦於紅山開市云一曰增屯兵及諸屯堡
兵九千六百二十九員名有明則五萬五千四百有奇已不
速明之什二又從而汰之而又有從而坐占之苟變生不測
誰為戰守即非謂必當如明之河套當明時北防瓦刺之侵內
套之不軌備他盜之吞併耳河套當明時北防瓦刺之侵內
有吞併之事其後竟為插漢殺掠蓋參養之久而人疲馬弱
也今畏西夷如虎而賀蘭山後之祝囊等常謀併其部落焉
一曰墾荒地明制三守七屯多在北邊延慶二府召募軍丁
種其後漸次逃避籍而屯政大壞今軍已盡為民矣明制
鹽法商人開墾粟於邊謂之報屯中領引於淮於浙支鹽故邊
地有募人開墾私商甚行引鹽壅滯而商人坐困於宏治間
也嗣後淮浙間私商甚行引鹽壅滯而商人坐困於宏治間
商人厚賂葉琪琪乃奏罷屯之法壞則荒地安得不多今榆
而邊地之粟少矣官屯商屯之法壞則荒地安得不多今榆
林荒地四萬二千餘頃開墾之弊難言之矣有冒熟為荒者
有貪承不起科而棄熟就荒者有難言之矣有冒熟為荒者
司即征者在乎得人而政舉耳此皆備邊一曰通運道河南
之實事有明之善政所當因而行之者也一曰通運道河南
由陝川而至潼津則黃河也遞及渭河纔數十里由渭而洛
而北上源則榆林邊堡即急水艱於行舟然用秦漢隋唐之

法以所用於關中者何不可用於延綏即山西之米豆運至石州保德州則循河而至府谷相去甚近且府谷去黃甫川纜二十五里清水營亦其文貴改拋荒為折色侍郎馬清又路諸堡為遼闊耳明布政文貴改拋荒為折色侍郎馬清又改本色為折色於是邊民愈無粟矣崇禎間王嘉亂起府谷神一元起於高堡張獻忠生於柳樹澗堡李自成生於懷遠堡其他若李過高一功數惟在鑒明季之弊奮然更張之所十賊目無一非榆林人也

謂變通者在是矣

延綏邊堡 鹽場堡 定邊堡 磚石堡

定邊堡東 奮安堡 柳樹澗 宵塞堡

四十里 靖邊堡 鎮虜堡 鎮靖堡

龍州城 清平堡 威武堡 懷遠堡

堡威武堡東 波羅堡 響水堡 保甯堡

堡東四十里 榆林衛 紅山市 常樂堡

雙山堡 建安堡 高家堡 栢林堡

堡南四十里 大栢油堡 神木縣 永興堡

堡神木縣南 鎮羗堡 木瓜園 清水營

園東三十里

秦邊紀略卷五

六

半畝園藏書

延綏邊堡

鹽場堡延甯之錯繡也西接花馬池東連定邊營沙塞平原之地雖有鹽池而城堡屯兵自古無之及移鎮榆林而堡始設亦定邊花馬池之亭堠耳北則河套限於一墻乃堡相去特遠遊牧良苦且邊外風沙墻常淤沒與其挑澹徒勞不如近堡改築之有功東四十里則定邊營堡為延綏西路所自始有鹽池周三里許中有井灌水其中越宿成鹽故堡名鹽場也明成化八年巡撫余子俊移綏德之延綏鎮於榆林乃增置三十六城堡築套於外西起於堡東盡於黃甫川邊墻在北二十里榆林邊久不修傾塌沙淤幾為坦途不但鹽場也

堡設把總

定邊營隋之鹽州唐之五原郡也南通石澇北枕塞垣而長城關在焉壅門守拒今且何如塞外充路漢才黨穹廬相望安知其不內擾高粱之困可為前車矣營西郭外南北二沙挑

秦邊紀略卷五

九

牛畝園藏書

之復塞石坑舊寺已為沙埋明制文有監司兵有三千今兵

已汰十之七八矣東五十里至磚井堡

秦時屬北郡地隋陽帝因其近鹽池置鹽

州郡唐為五原郡置都督府石澇池堡在南一百里邊墻在北五十步長城關出塞之門也充路漢才黨地名在河套中今任牧者有黃臺吉有坐挾丹臺吉高粱兒亦地名明季總兵李琦與黃臺吉戰於高粱為夷所圖琦出奇勝之西郭之南北二沙時勞番插石坑寺在東北十里元大德中所鑿久為沙淤宏治中掘地出焉明制兵二千七百名營有副戎為延綏之西協

磚井堡宋之鹽州地也南接新興而梁山洛水隔之北望恆都

而長城烽燧障之自堡而東依山臨塹有險可扼然西接定

邊相去五十里疎遠空虛則瓦劄梁之亭堠宜增置以備應

援者堡在平川垣頽兵寡自堡而東南則新安邊沿邊而東

五十里則舊安邊焉

磚井者古有井而以磚發之堡舊為新

俗呼南梁山恆都古城在套內堡東北五十里南有家嶺明制兵八百五十名今止一百一十名堡有守備邊墻在北

五里則靖邊營矣

把都河在西南三十里蓮花山順甯川在南十五里金湯川鶯高山在西南二十五

里大盜神一元本堡人堡有守備

靖邊營宋之兀刺城也延安遠在其南長城近列於北明撤內

地兵以守此非以其衝要乎東西有哨馬營而南之黃花戍

以及菽麥城范老關皆文正公所經營者營即保安軍焉其

為重也宋且然矣明兵十倍於今猶有小墩窰之失奈何平

原要塞鎮以遊擊將軍而兵纔二百耶東四十里至鎮虜堡

兀刺宋所築城也即今之營也通志以為即甯塞則誤矣延安府在南三百二十里大邊在北一里明移保安縣兵守此

哨馬營又謂之范將軍馬營蓋文正公舊跡也黃花城在西南五里即黃河古戍也營城外有菽麥河渡水濟橋則菽麥

城明制文有監司兵二千二百六十名營今有遊戎兵二百名

鎮虜堡宋之夏州地也明初未嘗有堡因鎮靖靖遠東西遼闊

而置堡適中城小而當要塞兵纔及明之什一非置堡之初

秦邊紀略卷五

三

半畝園藏書

心也東四十里至鎮靖堡

鎮虜今易名鎮羅鎮靖靖遠相去八十里堡周三百有七丈明制兵

四百四十名今五十名案將杜茂謂居人耕種於邊外云堡有把總北至大邊半里

鎮靖堡即白塔澗也南有蘆關延水出焉明初謹守塞門繼之

進軍筆架余子俊乃移至此地利失矣兩為波臣再為刀俎

死者數千焉今堡宜遷高陽兵宜增設東四十里則龍州城

堡又名白灘兒塞門所筆架城名嘉靖夷於嘉靖四十年陷堡殺掠二千餘人四十二年又為所陷明制兵二千五百名

今止一百二十名堡有守備南至延安府三百里北至邊二里

龍州城漢之龍州宋之石堡寨也范文正於此置馬營境有龍

城關北近邊堵南為延安城乃延境首衝今鴉兒巷腦四面

天險建城堡以扼吭喉足資保障城南宜家畔有荒忽都河

無定河之上流也堡之溝澗良多善用之則為險不善用之

則為害也地利豈有常勝哉東三十里則清平堡

邊堵在北五里延安

府在南三百里堡在平地不在鴉兒巷為險圍水出塞外之
白城兒至此於堡之荒忽都河水合南流益大謂之無定河
水中之沙人馬踐之如行幕上多陷沒之患淺深不一故名
無定且水急流之際時或逆上如海潮唐人詩中皆指此也
延綏西路止於此堡堡有把總
兵五十名明制兵五百六十名

清平堡漢之白土縣地也舊名磚營兒堡在平原而城外之沙

常陷車騎而距邊甚遠昔有導鮓鮑之水而邊堵以安則擇
形勢以遷堡亦終焉永威也且自堡而東若威武懷遠邊堵

險阻山嶺崎嶇而谷口則平如砥西川小理河汊灞尤為扼

塞干擷之吏不戒則白落卧牛靡有堅城矣東四十里為威

武堡嘉靖十五年堡為套夷所陷鮓鮑河在邊外五十里其
水貫牆而入址岸傾圮水淺則河墮平沙漫衍靖邊監
司文作於邊外審視得石廣數丈水障而下乃鑿石為穴導
水下流而石若梁焉岸上施城邊牆遂固白落城名在西六
十里卧牛亦城名在南七十里堡為延綏中路所
自始也堡有守備兵一百名明制兵二千二百名

威武堡即響鈴塔也北有威武關堡以名焉堡在山阜明始得

秦邊紀略卷五

三

半畝園藏書

繕城置戍牛心在其東赤木峙其北依山險阻之地也南有

狄青原武襄之所駐兵於此奏虜功者猶在邊堵未築之先

則榆林之邊固無益於守也今海流兎之地豈不密邇邊既

不修兵且過少何耶東南四十里則懷遠堡矣成化五年巡
撫裴銳撤大

兎鷓堡兵守此牛心山在東十餘里赤木山在西二十里狄
青原有水在南十里成化二年毛里入寇總兵楊信戰於狄

青原大勝之其時並未築邊且能戰勝固守及邊已築人心
懈怠夷人入犯未有若此之勝者海流兎地名在套內今超

羅代臺吉所住牧明制兵六百五十名
堡北去邊四里堡有把總今兵五十名

懷遠堡即白家梁也梁在山嶺城如黑子明移土門軍守此山

下若水川合圍水而東則無定河也明時堡之旗桿戈戟火

出有聲而闖賊乃生於李繼遷寨以鍛鐵驛夫覆八荒無外

之全甌變不虛生哉堡距邊甚遠今速蓋之地羶帳星羅兵

不及明十二何以禦之東北四十里則波羅堡焉城周二里
土門子在

南二十里旗桿戈戟出火在隆慶元年李自成世為李繼遷寨人寨在堡側自成幼牧羊長為鐵匠未成耕田無得年二十餘始為銀川驛馬夫崇禎元年裁驛站無所得食四年入苗美部為賊號闖將父守忠祖海曾祖世輔皆懷遠農民崇禎間米脂諸生賀時兩貢生艾詔上書乃掘骸楊灰堡北至邊牆二十里東南至米脂縣一百里速蓋在套內今馬太麻臺吉倭速臺吉所任牧明制兵四百七十名今堡有守備兵一百一十名

波羅堡堡有波羅寺堡依山築南通綏德北跨馬鞍東控土門西引三捷然沿邊之外沙高於牆無定河可以為湟戎馬不能徒涉所防常在冰堅今河水既淺安足恃乎自堡東至保甯幾於三舍沿邊空虛雖東南有響水堡距邊遼遠則增堡移兵宜何如變通也東南四十里至響水堡波羅寺亦依崖南一百五十里馬鞍山在北五里土門寨在東十里三捷關在西二十里邊城在北十三里寨外之夷即起羅代五榜式堡為延綏中協副戎所駐劄今馬步兵共六百六十名

秦邊紀略卷五

三

半畝園 齋書

南通魚河綏德在於西南榆林出於西北惟北甚遠於邊苟有緩急不介馬而趨恐亦無及明已移軍平夷及余子俊復移守堡東北四十里則保甯堡歸德堡在東四十里魚河堡在東七十里綏德州在西南二百里榆林鎮在東北六十里邊牆在北七十里正統初已移平夷堡成化間余子俊又移復明制兵八百名今堡有守備兵一百名

保甯堡古梁城也波羅西接榆溪東引響水直其南紅山通於北切近長城自大川口版築雖堅而風沙特甚夫堡於常樂實扼歸德魚河大川之衝雕陰上郡在在可虞雖中路兵駐波羅而馬二百兵僅倍之明常移波羅之兵守此堡為水澤之區邇來渚水漸涸馬無所飲其若之何東北則紅山市東三十里至榆林衛波羅在西八十里紅山市口在邊外三十里長城在北一里大川口在西二十五里堡在平地明制兵一千三百名今堡有守備兵一百名

榆林衛榆溪舊塞也春秋時屬白狄地秦屬上郡漢為雲中九
原地隋為榆林郡地歷代無所建置於此土也明失東勝而
守綏德此其出哨水頭耳城築於王禎鎮移於余子俊創始
增修且東西繕三十六堡塹山湮谷築河套於外而重兵屯
於榆林於是為雄鎮矣東倚駝山西限榆溪北距邊堵南引
銀州其城三面憑山一面臨水可謂天險然東南山阜參差
林木隱蔽沙峰置樓則高與城埒攻擊可虞也其海潮寺逼
居城下掘地可慮也夫榆林貪功習戰之士多務本力田之
人少其地磽瘠芻糧不充闖賊焚殺城陷而猶巷戰忠魂毅
魄直與日月爭光可也北十里則紅山市秦使蒙恬築長城
畧河南拓榆中城

秦邊紀略卷五

五

半畝園藏書

綏德之兵於榆林而榆林始有綏鎮矣城東有駝山城半築
其上山形類駝世呼榆林為駝城云獐河之水匝湟塹於城
西為西河合榆林之水流入於紅石碛繞城帶郭所謂一面
臨河也北六里有紅山其上有款貢城邊堵在焉又北二里
為紅山市漢夷互市處也城南一百四十里為銀州關即古
銀州地榆谿無定二水皆南流至銀州關而合也崇禎十六
年賊李過高一功王良智攻榆林城於沙峯上起飛樓與城
樓相對矢石交至賊又於海潮寺穴地道城中掘地拒之卒
之東南城陷死者頗多巷戰死者七十餘人鎮明時設有巡
撫今裁今惟有總戎三營馬步守兵二千六百名城有都司
守兵五百名南至歸德堡四十里

紅山市為欵河套而開也始於隆慶迄今而未有已者市口有
城開市有日貨物有禁而有明之賞則無之明制一年無犯
則許市一年而朝欵夕寇不知凡幾今向化雖醴族類不一
過此以往未之或知也爛泥灣為內地草場而近什喇百黎
邊女爭桑至於啟釁不可不戒也南由榆林四十里至常樂
堡明隆慶五年吉能乞貢遂開市於紅山今市口有土城不
屋而陶穴以居或設帳房正月望後開間日一市往市者

烟茶梭布棉布草織鹽所禁者軍器米麥夷所至者馬騾驢
羊各皮毛而明時一歲止一易賞以萬金計元昊謂我戎人
不事馬鞍而以資鄰國易不急之物非策也王忠嗣於夷互
市每高估馬價諸夷爭以馬來市夷馬遂少然今套夷甚弱
套馬甚驚蓋豢養久也爛泥灣在市外鎮軍歲時採草地也
什喇百黎在市之北今喇迷達臺吉彭松臺吉任牧南至榆
林十里西至
保甯三十里

常樂堡漢之榆谿也舊堡在南沙磧無水宏治間移置岔兒河

卽今堡焉西接榆林東接雙山葭州在其南邊圍當其北塞

外飛沙踰垣而入雖獐水淺不可湟堡南鴛鴦河水草大善

鎮之芻蕘咸賴焉邊外白崖河越出獐外以爲飼秣保夷之

不爭得乎東南四十里至雙山堡成化間築舊堡於南二十里宏治二年巡撫劉忠改

築今堡堡在平川榆林在西三十里葭州在南一百四十里長城在北半里獐水出本堡而塞外葫蘆海之水南流而至

於獐水合流入紅石硤邊外白崖河爲鎮軍草地堡爲延緩中路所止有守備兵一百一十名

雙山堡漢之真鄉縣地也初築堡於水池灣成化中移置今堡

秦邊紀略卷五

五

半畝園藏書

今堡在山岡有險可守矣南近葭州而府谷吳堡亦皆密邇

而大川當米脂之衝則北門鎖鑰堡亦無所諉其任矣長塹

在北依阜而少風沙然山泉潰決庸或有之疏導之不可廢

者白崖兒可以伏兵覆索之不可已者邊外邵家梁美地薦

草易起爭端慎之哉東南四十里至建安堡正德二年築堡水池灣余子俊

移於今堡撤西南之柳樹會兵守之葭州在南九十里府谷縣在東南吳堡縣在南米脂縣在西南邊橋在北十里明時

賊伏白崖兒副總兵陳鳳知之邵家梁在邊外爲鎮軍草地明制兵六百六十名今堡有守備兵一百名堡爲延緩東路

始所自建安堡漢之同陽縣地也古未有堡余子俊城崖寺於是爲今

堡南有建安關南直黃河北限障塞堡在山畔然塞外擡囊

之水貫邊而入彼有竇焉可不防與自堡而東岡阜交錯蜿

蜒四百餘里東路之固固在險也且逼近黃河軍需苟乏水

陸可通其如世無實心任事者何東四十里則高家堡矣化成

十年始築城黃河在南一百五十里蓋黃河自甯夏北流而東幾二千里至君子濟則折而南流貫太康延安之間故延緩東路南近黃河也東路之北則為河套河套之北亦為黃河者水之曲折也邊牆在堡北五里擡壘山名在邊外水自邊外而入經堡而南為秃尾河明制兵六百二十名今堡有守備兵一百二十名

高家堡唐之豐州地宋之飛鴉川也堡在平原南通葭州北限

隍陘萬戶峪在南趙保吉之眾從此犯麟州幽陵在北唐開

元中置也南有彌勒川眾水所會也堡固東路中之平原乎

馬鞍山為古戰場夷之內犯亦從堡入今塞外之五藍腦

裴羅列備可疎與東南四十里則栢林堡葭州在南一百六十里邊牆在北三十里

里萬戶峪在南一百二十里李繼遷宋賜姓名趙保吉麟州即今永興堡幽陵都督府在堡東五里彌勒川宋置有彌勒寺寨下有金剛溝皆永利河水之所經也明初百戶宋銳戰死於馬鞍山插漢本北夷入套驅並諸夷套夷屢敗不支崇禎六年火落太及古魯太皆舉族內附以避之插漢入邊從堡而入至崇禎十年插漢西犯甘州病死於祁連城套夷自

秦邊紀略卷五

五

半畝園藏書

乞降後榆林邊患遂息及李過攻榆林榆林義士且借其兵數千來援以眾寡不敵退去五藍腦在河套今打兒杖貝子哈嘆臺吉引章耐臺吉任牧明制兵一千六百今堡有守備兵一百四十五名

栢林堡唐之勝州地堡之得名者其地產栢多也堡從未有風

塵之警距山原而地利得之南跨黃河北距塹壘而塹外之

耿波黨淪為異域也久矣雖有野麻灣之水曾不濡馬足者

南有軍崖其事不經非關隘扼塞可不道矣東四十里則大

栢油堡矣黃河在南一百二十里邊牆在北二里耿波黨及把漢波黨皆地名屬河套為聶克臺吉任牧野麻灣亦在套內其水自堡西流入高家堡點軍崖在南三十里其崖有馬蹄及人跪坐衣文明制兵六百二十名今堡設有

守備兵一百一十名

大栢油堡唐之麟州地也堡在山巔水環城外寇夷交訐而堡

相安於無事非河山之助耶南黃河而北長城與栢林同之

其石盤山誕謾無稽惟兵制所宜擴充耳東南四十里則神

木縣矣

城外東西二水俱自邊外而入南合栢林城東黃河在南二十里大邊在北三里石盤山在東南山石有

神木縣漢之光祿塞魏之朔州隋之豐州宋之神木寨也明因

宋為縣城在平原南界黃河北距市口其鳳頭筆架則武宗

之所駐蹕也其柴溝燐火之所常青也其河口堡則水濱之

捍衛也河山既改而高有才啣石填海蓋可悲矣縣東之龍

眼錦屏山環秦漢唐之郡縣今又湮於套中而塞外之五奴

故兔今分茅胙土封建存焉相與互市同於紅山乃邑之屯

兵僅及明什二不亦過少耶南四十里則永興堡矣縣西十

古松二株因以為名元亦於此置雲州明始為縣而名則因

宋焉黃河在南一百二十里邊城在北四十里厚頭筆架二

山皆在東一里正德十三年十月武宗巡幸榆林駕駐二山

李來入寇總兵張欽敗之於柴溝河口堡在西北墻長八里

許恃為藩籬戊子年總兵姜壤變於大同己丑高有才起於

神木以應王永疆變於榆林以應高有才遂盡有榆林地直

趨三原適吳三桂自漢中直趨至有才戰敗退保府谷攻之

逾年始克高有才乃投黃河死龍眼錦屏山其南有漢之光

祿寨北有唐之麟州故城及連谷城又南四十里有秦之新

秦縣唐之靖寇寨惠甯堡鎮川堡東有元之銀州舊城五奴

故兎地名在邊外今封古魯為晉王王及古魯什貝子捏克

臺吉皆住牧其地互市大約於紅山市口同明制兵二千四

百名今止五百一十名縣

文有監司縣令武有副戎

永興堡隋之連谷縣唐之麟州郡宋以謂之黑城也南近黃河

北連長塹榆林各堡當有明時套夷外侵流寇內亂而堡巋

然獨存者堡在山原以險為固也宋欲廢州為寨且欲棄之

歐陽修曰城堡堅完地勢高峻天設之奇險可守而不可攻

其至黃河府州各縣百餘不可棄也以今觀之其言不益信

哉東四十里則鎮羗堡堡即宋之麟州又謂之黑城地黃河

今黃甫川在東南一百二十里明制兵一

鎮羗堡唐麟州地也明初守東勝繼而移置於此南抵府谷北

秦邊紀略卷五

毛

藏書

統長城堡在山原百年無兵戈與永興共之境內天窅關可
以守禦堡有荒田而禁墾惜哉東南四十里則孤山堡成化二年

移築今堡府谷縣在南八十里大邊在北十里
明制兵七百名今堡有守備兵一百一十名

孤山堡即孤圪塔營也南接府谷北限長城與鎮羌同焉堡置

山巔昔屯重兵開市及移神木而堡日就荒涼南有葭州不

足為重湯亂勦所謂黃沙白草四望漫漫一腔熱血乃委此

耶今邊外之北黃河畔有執躬圭者然時勢多變遷可不為

之長慮耶東南四十里則木瓜園堡府谷縣在南四十里大

堡之兵及市於神木葭州在南四五里有明參將湯亂勦守
孤山與夷戰敗死之北黃河畔在套中今掌歲公任牧明制

兵二千六百名今堡有
守備兵一百一十名

木瓜園堡亦唐之勝州地也東路城堡木瓜園獨置於後者古

無此堡也府谷在南而近長城在北而遙奔走守望何以不

秦邊紀略卷五

五

半畝園藏書

勞堡在山巔城小而荒一陷於閻王海再辱於王嘉胤也東

三十里則清水營成化十六年始置堡宏治十三年始屯兵
府谷在南五十里長城在北四十里小寇

閻王海陷堡殺掠已甚崇禎三年流賊王嘉胤起於府谷攻
陷本堡明制兵八百八十名今堡有守備兵止一百二十名

焉

清水營唐之勝州地宋以屬府州西南府谷東北長城明初以

黃甫川而屬於營者延綏東路長邊盡於營之柴城穿及於

黃河堧也踰河則山西全秦之邊盡是矣清水城在山坡當

極衝之地而兵不及明之什一東南十五里則黃甫川焉清

堡成化二年城移府谷之兵守此府谷縣在西南八十里長
城在北二十里明制兵一千一百名今設有守備兵一百名

焉

黃甫川唐之勝州宋之府州也明初隸於清水而開關置戍焉

城在山畔東濱黃河南鄰府谷北盡長城西北清水一河之

隔岢嵐之樓子營也黃河從塞外至東勝州經君子濟抑而南經堡之東則出套矣黃河天塹然冬寒冰合萬馬可渡故延綏他堡止於防套惟堡則防他寇焉小堡互市同於紅山豈但焦家坪為是紛紜交易哉延綏沿邊之城堡實止於止就今日之疆域籌之耳

名七

延綏邊堡自鹽池而東至於黃甫川長城之間或雜山險凡三十堡一千九百里其紅山為塞外不與焉右北邊自肅州之野麻灣至於延綏之黃甫川統四千一百七十里